

交城縣志卷一

天文門

星野


周禮保章氏掌日月星辰之政九州封域各有分星以察妖祥春秋列國太史各省其國之所屬辨其吉凶交為彈丸小邑似無繫於占驗之數然豫章之木千尋一葉之苑枯榮落未嘗不與根幹相關推此說也交雖小亦可以辨星分占休咎惟在慎微之君子仰觀天時俯察人事思患而豫防之故首加詳焉志

星野第一

交城縣志卷一

天文

參星分野圖



天官星歷歌

總有七星觜相侵兩肩雙足三為心伐有三星足裏深玉井四星右足陰屏星兩扇井南襟軍井四星屏右疑左足下四天廁臨廁下一星天屎沉

參十星距中星西第一星去極九十二度半 玉井四星距西北星去極九十八度半入畢宿十一度半 天屏二星距南星去極一百一十五度入畢宿十三度半 軍井四星距西南星去極一百五十五度半入畢十四度 天廁四星距西北星去極一百一十八度半入參宿二度 度 屎一星去極一百一十五度入參宿二度半

星曰參次曰實沉宮曰陰陽辰曰申州曰益按史記曰昴畢冀州晉天文志曰自胃七度至畢十一度爲大梁趙分野蓋謂昴畢大梁之次趙之分也而胃宿附入焉隋志曰冀州于古堯之都也舜析冀州爲幽并其於天

交城縣志

卷一

天文

二

文胃畢爲大梁屬冀州自尾十度至南斗十一度爲析木屬幽州自危十六至奎四度爲媿警屬并州然據山河以考之自魏郡濁漳之北至廣平鉅鹿常山及清河信都北據中山真定全趙之分又北逾眾山盡代郡雁門雲中定襄之地與北方邊外之國皆其野也則是冀之域界所指甚廣不止於山西之疆伶州鳩曰晉王卽位歲在實沉董固曰實沉之墟晉人是居此實沉爲晉之分星而并州之星土也唐天文志曰觜觿參代實沉也左氏謂實沉爲崇晉平受其殃註曰實沉參神又子產謂實沈封于大夏主祀參唐人是因又曰成王滅唐

而封大叔焉參爲晉星夫叔虞封唐子燮改唐爲晉則參爲晉星可信矣按史記參爲晉首又按武備志汾州專屬參按漢馬融上日食封事云參居兌位屬西方其爲分野并州是也交界太原汾州之間則特屬參星無疑後此之察妖祥而示觀省者不益于斯爲信也夫

參七星赤一曰參伐一曰天市一曰天鉞主斬刈又爲天獄主殺伐又主權衡所以平理也又主邊城九譯故不欲其動也參爲白虎之體其中橫列三將也東北曰左肩主左將西北曰右肩主右將東南曰左足主後將西南曰右足主偏將故占參以應七將七星皆主邊兵

交城縣志

卷一

天文

三

七星皆明則天下兵精暗小則將弱芒角大張赤輝旁射則三軍駭動動搖則邊有急參差不常則人臣不忠而勤大將執權就聚則大將誅微則天下兵不精不具中央三小星曰伐天之都尉也伐星明與參等大臣謀亂兵起參左足入玉井中兵大起秦地大水有喪山石爲怪足若突出玉井虎狼暴害人金火來守則兵起災生日月食則田荒米貴土星犯災甚水守兵疫甘氏曰參爲忠良孝謹之子明大則臣忠子孝移動殺忠臣守常則吉

玉井四星赤主水泉以給厨用微小如常陰陽和五穀

成明大動搖則大水井遠參虎爲害

軍井四星黑軍營之井也以給軍爨一曰天井星動搖則有大水月入軍井兵起五星入大水屏二星赤所以障閉天厠主疾病星不具則天下人疫火守民疾疫客星入人多死

天厠四星赤主天下疾病色黃而明則吉不見人多病亡不明天下人疫五星守之天下大饑人相食

天屎一星赤主糞穢色黃吉青黑白皆爲憂明則萬物有命星微則萬物不昌不見則人多疾病常以春分日候之其星黃潤而明人無病青黑國饑人病

祥異

靈臺望氛古有其制春秋則梓慎裨竈西漢之末緯學盛行由是五行之說史列於志占驗愈紛持說愈誕薦紳先生難言之矣交城蕞爾邑前代災祥偶見志皆謹書其事將使膺民社者遇災知懼布德行仁則雉雝非殃熒惑退舍今人不異於古若德之不修而惟恃祝巫祈禳吾未見弭災者不以實而以文也天道遠人道邇故見理明者五行不能惑後之君子參觀於此可以審避趨別真妄矣志祥異第二

北魏太和六年甘露降石壁山

交城縣志

卷一

天文

五

唐貞觀十一年丁酉元和七年壬辰甘露先後降石壁山元至元十八年辛巳饑

明洪武十四年辛酉夏大雨河水衝壞城垣城外東北新建聖母廟木架已具漂入城內東南隅鄉人遂建廟於此名曰下廟

永樂十年癸巳六月城西步渾水與塔莎水泛漲衝圮城垣

嘉靖十三年甲午大饑餓殍徧野

十四年乙未大有秋斗米二十錢

二十四年乙巳大旱

二十七年戊申大有秋

二十九年庚戌四月風霾晝見星

三十二年癸丑六月暴雨移時沙河水突至衝壞東門橋
東城垣城內水深三尺

三十四年乙卯夜地震從西南來有聲房屋搖倒壓死人
畜

三十七年戊午地震牆傾

三十九年庚申大饑人相食

萬曆九年辛己春夏大疫至有斃全家者知縣吳騰龍集
醫設惠民局施藥治之復虔禳漸安

交城縣志

卷一

天文

六

十二年甲申井水清見底三日

十四年丙戌大旱赤地六畜多死民食草樹白土朝廷遣
賑設廠以濟八月空中有火如斗自西北落東南冬無
雪

十五年丁亥春旱夏申方雨狼食人知縣張文璧令捕一
狼償穀一石至次年五月始盡

十六年戊子麥一本二穗六月大雨文谷水浪高三丈衝
沒田廬人畜無算

四十二年甲寅大有秋斗米銀五分

天啓五年乙丑饑自此饑饉相仍銀一錢糴米不得三升

崇禎二年己巳西山大足村突起橫山十餘丈

五年壬申五月駐防兵謀叛於東關曹家店初四日夜有
火從東北來入店中防兵預謀者皆焚死店無恙官具
牲醴酬火神

九月丙子秋蝗食禾

十三年庚辰大饑斗米銀六錢餓殍徧地知縣薛國柱興
工修城以工代賑民賴以存

國朝順治二年乙酉水東都牛生犢徧身鱗甲蓋感蛟龍
之氣而生也

四年丁亥蝗蝻從西來蔽日遮天有聲傷稼

交城縣志

卷一

天文

七

十一年甲午疫盛知縣高純忠禱而止

康熙二年癸卯七月十六日大雨磁瓦二河交漲城中水
深二尺北門圯

九年庚戌十月朔泮池清徹底細石游鱗厯厯如鏡七日
復渾

十九年庚申西方白氣竟天月餘漸散

二十二年癸亥十日地震壓沒田廬人畜

二十三年甲子汾河漲鄭段辛北等村平地水深三尺

二十七年戊辰四月朔日食既白晝星見

三十六年丁丑至次年大饑奉蠲二歲錢糧

三十九年庚辰五月二十三日午時見星月餘方滅
三十九年十一月初二日有火大如斗自東北隕於西南
其光燭天

四十三年甲申樹介

四十五年丙戌四十六年丁亥四十七年戊子大稔七月
二十四日縣署陔華堂前牡丹復開穠豔如春

五十八年己亥地震

五十九年庚子大旱無禾

雍正三年乙巳二月十九日天鼓鳴十一月地震

四年丙午六年戊申大稔

交城縣志

卷一

天文

八

乾隆二年丁巳夏大雨平地水深尺餘禾盡漂沒九月地
震

八年癸亥五月日色赭照處皆紅

九年甲子四月彗星見西北是歲大有秋

十年乙丑二月日見三環

十九年甲戌地震八月大風拔禾

二十四年己卯夏三月不雨秋大雨月餘民饑

二十五年庚辰春民食草根樹皮至秋大稔

四十年乙未二月二十二日日旁有兩珥六月霪雨

四十五年庚子四十六年辛丑大稔

五十二年冬大星墜西北

五十九年甲寅八月軒坊食禾雹傷稼

嘉慶二年丁巳十月二十九日星隕如雨

十二年丁卯春旱夏大雨斗米一千三百文

十六年辛未春旱夏彗星見歲大饑

二十三年戊寅正月十四日天鼓鳴

道光元年辛巳四月朔日月合璧五星聯珠

四年甲申大有秋

五年乙酉八月彗星見

十九年己亥日食甚晝晦

交城縣志

卷一

天文

九

二十年庚子七月白氣西南來衝入河漢

三十年庚戌七月白晝見星

咸豐三年癸丑彗星見西南

七年丁巳夏城南四五里飛蝗徧野傷禾

八年戊午八月彗星出西北

十年庚申正月初二日雨赤土四月彗星見西北夏大旱

七月初一日星隕如雨

十一年辛酉八月朔日月合璧五星聯珠

同治二年癸亥二月初七日雪深三尺

十一年壬申九月十五日沙河瘟神廟災

光緒元年乙亥五月初一日城東關崔府君廟災
二年丙子夏旱大饑

三年丁丑春復旱民食草根樹皮小米斗價二千文夏秋
大疫傷人幾半

四年戊寅春旱疫並行斗米價至錢三千文秋大有
五年己卯七月冰雹盈尺傷禾

六年庚辰夏秋羣狼入城傷人畜官示諭捕一狼賞錢十
千兵民擊獲頗多復以文禱城隍神歷數月始絕迹